

El guèniou d'Bobo.

Bî,in v'là yeune dè nouvelle:Bobo a sté dèmousquinér s'guèniou in rimbusquant in bac à fleurs!

C'î in bac in bos,nî trop whaut mais foûrt résistant,installé d'lai l'huche dè s'maison.

A propos d'l'accidint li-min-me,il a plusieurs versions:

-Bobo dit qu'Bèbert avoût co roubliyî (malgré ses rappels) dè rimplacér l'ampoule dè l'lampe dè l'intrée.Donc,comme l f'soût aussi noir què dins l'c.. d'n'importè qui èyè l'accidint astoût inévitàb'.

Bobo a r'findu l'bac avû s'guèniou comme in squèreux avû s'n'hapiette.

-Les mauvaisès langues dit'té sans l'dire mais l dit'té quand min-me què Bobo avoût ène pètte guinse èyè qu'elle n'aroût pu seu fai l'diffèrence intrè l'huche dè s'maison èyè l'intrée d'l'église dè Scaussènes.

-Bèbert,li,il avoue qu'l d'avoût yeune d'in mè't' èyè qu'l n'sè souvînt pu d'rîn.Mais dè toutes façons,ç'n'est nî dè s'fautè.

-Yun d'mes vijins qui lit des liv's dè « psychologie » despûs què s'feumme est partie avû l'boulindjî,propose in aut' esplicâtion:

Avû tout ç'què Bèbert f'roût vire à s'feumme,el cerveau dè l'malheureuse es'ramollit,flan-nit comme ène salade dè huit djoûs au point dè n'pus avoû l'notion des lignes èyè des volumes.l paraît qu'à partir d'in certain stade dè dètèrioration,el ciboulot èn'fait pu l'diffèrence intrè ène porte dè greigne èyè in traû d'soris!

Vous qu'astèz malins,vo povèz p'tèt' desbrouillî tout ça mais por mi ç'qui compte,ç'est l'résultat èyè l'résultat,du l'ai vu!

Quand on a pindu l'escramia à l'nouvelle maison d'Christian èyè Mich'line,elle avoût fait l'effoûrt dè v'ni.(Pourtant,ça grimpèye pou arrivér doûlà:vo dirî l'Lion d'Waterloo).

Il avoût ène bonne sèmaine què l'drame s'avoût passé mais què spectac'!

Bon,d'accoûrd,l n'sont nî djà p'tits d'avance mais là,cî in fameux g'niou! In pusse,vo z'avî toutes les couleurs dè l'arc-en-ciel:du gaune au noir in passant pau bleu,violet,brun...Du rouge,ça,l n'd'avoût pu,on l'avoût r'swé.

Elle août bî seûr maû mais elle faisoût s'possib' pou nî l'moustrér èyè quand

on perdoût d'ses nouvelles,elle disoût: « Ca va su n'gambe. »



Notez què ces affères-la,ça pût yesse foûrt dangereux.

Zante a ène counnichance dins l'borinâdje qui,plein comme in andouille,avoût r'brougnî s'n'artia dins l'bos du lit.Comme I n'astoût nî fier dè s'n'aventure,I n'a rî dit.

Ouèye gaillard,in mois pu tard,il a fallu li coupér s'n'artia.Eyè co,heureus'mint qu' Zélie,l'feumme à djournées a sinti (ç'est l'cas dè l'dire!) ène saquè d'anormal in lavant les cauchettes,sinon,on n'parlèroût pu dè s'gambe ou min-me du marmot tout intîer'.

Dins l'cas qui nos z'occupe,l'affére es'présinte bîn:el membre infèrieur es rapapeye comme I faut èyè on bî bihaije pou Bobo.

Moralité d'l'affére:I faut yesse foûrt prudent surtout quand I fait nût èyè qu'on r'vînt d'ène soirée.

P'tit conseil à Bèbert:akatér ène tenue d'keep dè hockey su glace èyè l'avoût in permanence dins s'n'auto.

In pusse,qu'il arrête dè li cantér "J'ain-me tes g'nioux" pasquè quand I vont r'fonctionér normal'mint,I risque d'avoû in fameux coûp d'pîd à s'c...

Après tout,ç'n'est nî nos n'affére.Allèz,à r'voir.

Françwès.

Dèmousquinér = démantibuler/rimbusquî = cogner/squéreux = équarisseur (d'arbres)/hapiete = hache/flan-ni = flétrir/greigne = grange/escramia = crémaillère/r'swér = essuyer/r'brougnî = tordre en arrière.